



**CONVENIO DE COLABORACIÓN CULTURAL ENTRE A CONSELLERÍA DE CULTURA,
EDUCACIÓN E ORDENACIÓN UNIVERSITARIA E O CONCELLO DA POBRA DO CARAMIÑAL
(MUSEO VALLE-INCLÁN), PARA A CELEBRACIÓN DO 150 ANIVERSARIO DO NACEMENTO
DE VALLE-INCLÁN**

En Santiago de Compostela, na sede dos servizos centrais da Consellería de Cultura,
Educación e Ordenación Universitaria, **28 XULL. 2016**

REÚNENSE:

Dunha parte, Román Rodríguez González, actuando en representación da Xunta de Galicia, en virtude do seu cargo de Conselleiro de Cultura, Educación e Ordenación Universitaria, para o que foi nomeado polo Decreto 15/2015, do 9 de febreiro de 2015, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia e o artigo 2 da Resolución do 8 de abril de 1991, pola que se publica o acordo do Consello da Xunta de Galicia do 27 de marzo de 1991.

Doutra, José Luis Piñeiro García, alcalde do Concello da Pobra do Caramiñal, con CIF P-1506800J, en virtude da súa condición de alcalde do citado concello segundo o disposto no artigo 61 da Lei 5/1997, da Administración Local de Galicia, do artigo 21 da Lei 7/1985, do 2 de abril, reguladora das bases do réxime local e do artigo 24 do Real Decreto Lexislativo 781/1986, do 18 de abril, do texto refundido das disposicións legais vixentes en materia de réxime local.

Ambas partes teñen plena capacidade para levar a diante este convenio e,

MANIFESTAN:



Que as dúas entidades son conscientes da necesidade de actuacións de carácter sociocultural que permitan unha adecuada oferta, co obxecto de satisfacer as necesidades que, en materia cultural, teñen os habitantes desa comarca.

Que a Xunta de Galicia ten atribuídas funcións en materia de fomento da cultura, de acordo co establecido no artigo 27º. 19 do Estatuto de Autonomía, en consonancia co estipulado no artigo 148.1º.17ª da Constitución Española.

Dentro dese ámbito competencial, a Consellería de Cultura, Educación e Ordenación Universitaria, ven desenvolvendo dende anos atrás unha serie de actuacións encamiñadas á divulgación, información e promoción da cultura para achegar o máximo posible o noso patrimonio cultural á sociedade en xeral.

A Consellería de Cultura, Educación e Ordenación Universitaria quere acometer a realización de actividades de promoción e divulgación do patrimonio e da cultura galega. Mediante a programación das actuacións de recuperación da nosa cultura preténdese acadar unha maior eficacia na consecución destes obxectivos, por medio do desenvolvemento de actividades culturais e de fomento da cultura en lingua galega.

Con este convenio asegúrase a realización de diversas manifestacións da cultura galega levados a cabo por entidades que a queren dar a coñecer, mediante a súa promoción dentro e fora do noso país, coa organización de encontros e actividades que permitan un maior coñecemento dela.

Que o Museo Valle-Inclán (entidade sen personalidade xurídica do Concello da Pobra do Caramiñal) ten previsto proxectar unha programación con ocasión do 150 aniversario de Ramón María del Valle-Inclán. É considerado un dos escritores principais da literatura do século XX, dramaturgo, novelista, poeta, ensaísta e xornalista galego destacou en todos os xéneros que cultivou e foi artífice dunha profunda renovación do teatro e da novela.



Por isto, para acadar unha maior eficacia na execución de actuacións, dado o interese común das partes asinantes, que teñen interese coincidentes, é polo que asinan este convenio de colaboración, de acordo coas seguintes,

CLÁUSULAS:

PRIMEIRA.- A Consellería de Cultura, Educación e Ordenación Universitaria comprométese a entregarlle ó Concello da Pobra do Caramiñal (Museo Valle-Inclán) a cantidade de 18.000 € como contribución para a celebración do 150 aniversario do nacemento de Ramón María del Valle-Inclán.

A cantidade de 18.000,00 euros financiarase, con fondo propios, con cargo á aplicación orzamentaria 10.20.432B.760.1, dos orzamentos da comunidade autónoma galega para 2016, código de proxecto 201500370.

A celebración desta programación ten como obxectivo proxectar a relevancia da traxectoria vital e artística de Ramón Valle-Inclán con ocasión da celebración do 150 aniversario do seu nacemento. A programación consta de numerosos eventos entre os que destacan Xornadas de homenaxe a Valle-Inclán, que ofrecen un completo programa de actividades de dinamización cultural, dirixidas a todos os grupos de idade e centradas na figura do ilustre dramaturgo. Tamén se realizarán lecturas públicas, o *Cinefórum Valle-Inclán*, a ficción apaixonada a cargo de *Quico Cadaval*, *A maleta do mestre*, espectáculos valleinclanianos de *Títeres Cachirulo*, lecturas dramatizadas de *Bradomín Teatro*; todas estas actividades complementanse tamén con numerosas actuacións multiartísticas que poñen en relieve a figura deste gran autor.



De acordo co artigo 26 da Lei de Subvencións non é posible promover a concorrência pública para a realización destas actividades porque se trata dunha programación cunhas características especiais que as fai únicas en Galicia, motivo polo que a Consellería decide colaborar na súa celebración.

Por todo o anterior é o Concello da Pobra de Caramiñal (Museo Valle-Inclán) o que posúe a especificidade como beneficiario así como a da actuación subvencionada e o interese social da axuda concedida, sendo estas actividades, con estas especiais características, as únicas que se desenvolve na nosa Comunidade Autónoma.

Así mesmo, e de acordo coa planificación estratéxica realizada pola Secretaría Xeral de Cultura, para o ano 2016, e dada a especificidade e exclusividade da actividade a realizar baseada en criterios obxectivos, a sinatura deste convenio encádrase dentro dos previstos nese plan.

SEGUNDA.- Concello da Pobra de Caramiñal (Museo Valle-Inclán) comprométese, pola súa parte, a facer constar en toda a publicidade que xeren estas actividades –tanto impresa como audiovisual- a colaboración Xunta de Galicia, para o que utilizará a normativa da imaxe corporativa da Xunta de Galicia. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, en canto non se opoña á lexislación anterior. Con carácter supletorio, será de aplicación o disposto na Lei 38/2003 xeral de subvencións e no seu regulamento, aprobado polo Real Decreto 887/2006, do 21 de xullo. Os beneficiarios deberán dar cumprimento as obrigas de publicidade que se establecen no artigo 18 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.



O beneficiario ten a obriga de prestar colaboración e facilitar tanta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas.

TERCEIRA.- A Consellería de Cultura, Educación e Ordenación Universitaria comprométese a aboar a cantidade de 18.000,00 euros, con cargo á aplicación orzamentaria 10.20.432B.760.1 dos orzamentos xerais da comunidade autónoma de Galicia para o ano 2016, código de proxecto 201500370.

En aplicación do Decreto 193/2011, do 6 de outubro, pola que se regulan as especialidades nas subvencións ás entidades locais galegas, a Consellería de Cultura, Educación e Ordenación Universitaria poderá efectuar pagos anticipados, que suporán a entrega de fondos con carácter previo á xustificación, ata un importe máximo de 14.400,00 €. O importe restante, 3.600,00 €, pagarase no momento da completa xustificación polo concello do cumprimento da finalidade e demais condicións establecidas no convenio.

No caso de que o Concello da Pobra de Caramiñal (Museo Valle-Inclán) solicite pagamentos anticipados deberá presentar unha memoria na que se recollan as actuacións que ten previsto realizar así como unha memoria económica xustificativa co custo das actividades.

O Concello da Pobra de Caramiñal (Museo Valle-Inclán) estará obrigada a xustificar ante a Consellería de Cultura, Educación e Ordenación Universitaria o cumprimento da finalidade da subvención e a realización da actividade, mediante a presentación dunha conta xustificativa integrada pola documentación que se detalla a continuación:



a) Certificación expedida pola secretaría do Concello, co visto bo do alcalde, relativa á aprobación polo órgano competente da conta xustificativa da subvención, na que se faga constar de forma detallada:

1. O cumprimento da finalidade da subvención.

2. Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguinte relación: identificación do/a acredor/a, número de factura ou documento equivalente, importe, data de emisión e data de recoñecemento da obriga polo órgano competente.

b) Unha relación detallada doutros ingresos ou subvencións que financiarán a actividade subvencionada con indicación do importe e o seu orixe. Anexo II do convenio.

c) No seu caso, os tres orzamentos que se esixen en aplicación do artigo 29.3 da Lei 9/2007, de 13 de xuño, de subvencións de Galicia (modificado pola Lei 12/2011 de medidas fiscais e administrativas).

A data tope de presentación da documentación xustificativa da actividade é o 15 de decembro de 2016.

Segundo o establecido no artigo 4 do decreto 193/2011, é necesario que o Concello da Pobra do Caramiñal cumpra co deber de remisión ao Consello de Contas das contas xerais de cada exercicio.

No caso de que o Concello da Pobra de Caramiñal (Museo Valle-Inclán) non xustifique ou a xustificación sexa insuficiente, procederá o reintegro das cantidades percibidas e a



esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. En caso de superar procederá o reintegro do exceso obtivo sobre o custo da actividade subvencionada así como a esixencia do xuro de demora correspondente.

De conformidade co previsto na Lei 9/2007, de subvencións de Galicia, para efectos desta xustificación consideraranse os gastos realizados durante o ano 2016, dende o 1 de xaneiro ata a data tope de xustificación da axuda que respondan á natureza da actividade subvencionada.

No caso de que se concerte con terceiros a execución total ou parcial da actividade obxecto do convenio, estarase ao disposto no artigo 27 da Lei 9/2007, de 13 de xuño, de Subvencións de Galicia e no Real Decreto Lexislativo 3/2011 do 14 de novembro polo que se aproba o texto refundido da Lei de Contratos do Sector Público.

O artigo 65.1 do Decreto 11/2009 polo que se aproba o Regulamento da Lei 9/2007 de 13 de xuño de subvencións de Galicia establece que os beneficiarios están obrigados á constitución de garantías cando estea prevista a posibilidade de realizar pagamentos á conta ou anticipados; non obstante, segundo o apartado 4 do devandito artigo, exonera de constitución de garantía, entre outros , as administracións públicas.

CUARTA.- O Concello da Pobra de Caramiñal (Museo Valle-Inclán) deberá presentar declaración responsable, para proceder á sinatura do convenio e despois para o seu



pagamento, de estar ao día no cumprimento das obrigas tributarias e fronte á seguridade social e de non ter pendente de pagamento ningunha outra débeda coa administración pública da comunidade autónoma, segundo o establecido no artigo 10 da lei 9/2007 de subvencións de Galicia e no artigo 11 do decreto 11/2009, polo que se aproba o regulamento da Lei 9/2007 de subvencións de Galicia. Anexo I do convenio.

A sinatura deste convenio implica, de ser o caso, a autorización á Consellería de Cultura, Educación e Ordenación Universitaria para solicitar as certificacións acreditativas de que se atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 15/1999, de 13 de decembro, de protección de datos de carácter persoal, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

QUINTA.- O Concello da Pobra de Caramiñal (Museo Valle-Inclán) comprométese a destinar os fondos percibidos ao obxecto concreto para o que foron concedidos. A Consellería de Cultura, Educación e Ordenación Universitaria poderá comprobar, cando o considere pertinente, a execución das actividades obxecto deste convenio.

SEXTA.- Créase unha comisión mixta de seguimento para aclarar as dúbidas derivadas da interpretación e execución deste convenio, formada polo secretario Xeral de Cultura da Consellería de Cultura, Educación e Ordenación Universitaria, e polo alcalde do Concello da Pobra do Caramiñal



SÉTIMA.- O incumprimento de calquera das cláusulas deste convenio constituirá causa suficiente para a súa rescisión, e así mesmo procederase o reintegro da subvención cando concorra algunha das causas previstas no artigo 33 da Lei 9/2007, de 13 de xuño, de subvencións de Galicia.

OITAVA.- As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, o Concello da Pobra de Caramiñal (Museo Valle-Inclán) acepta e consente a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

NOVENA.- Este convenio ten natureza administrativa. A xurisdición contencioso-administrativa será a competente para o coñecemento de posibles cuestión litixiosas que poidan suscitarse como consecuencia del.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA
Secretaría Xeral de Cultura

Edificio Administrativo de San Caetano
Bloque 3 , 2º andar
15781 Santiago de Compostela
Teléfono 981 544 814/813
secretaria.xeral.cultura@xunta.es
web: <http://www.cultura.gal/>

galicia

DÉCIMA.- O período de vixencia deste convenio será dende a súa sinatura e ata o 31 de decembro de 2016, sen prexuízo de que os gastos subvencionados sexan os realizados a partires do 1 de xaneiro de 2016

Este convenio obriga ás partes que o asinan ao seu cumprimento, e ambas as dúas sométense ao acordado en tódalas estipulacións. Esténdese en duplicado exemplar, no lugar e data arriba indicados.

O conselleiro de Cultura, Educación e
Ordenación Universitaria

Román Rodríguez González



O alcalde do Concello da Pobra do
Caramiñal

José Luis Piñeiro García

